

27775

SPLendor
GLORIÆ ÆVITERNÆ,
GENEROSI OLIM, ac SPECTABILIS DOMINI,
D. JOANNIS
GAUDENTII
ZACHERLA,

CONSVLIS GRACOVIENSIS,
SACRÆ REGIÆ MAIEST: SECRETARII,
in Ternis eius Sideribus Avito MONOCEROTI,
ad metam immortalitatis prælucentibus;

Vindice meritorum famâ

PERENNANS:



ATq. DUM EI,
IN ECCLESIA ARCHIPRESBYTERALI,
B. MARIÆ VIRGINIS in Circulo,

Iusta Funebria persolverentur,
ad perpetuam tanti Viri, & Patroni sui

MEMORIAM,

JOSEPHO GASPARO MAIERANOWSKI,
Magisterij Doctoratus in Artibus Liberalibus,
& Philosophia LICENTIATO,

Luci publicæ

CONSEGRATV S.

Anno Luminis de Lumine Nati, nube carnis humanæ velati,
1696. Die 9. Maij.

GRACOVIAE, TYPIS VNIVERSITATIS.

S P L E N D O R G L O R I A Æ Æ V I T E R N Æ.



Emo tam fausto sidere vixit;

ut ex hodiernis Phœbi blanditijs,

Craftinum sibi lumen posset polliceri.

Nulli certa dies;

Etiam dum medio terra incæscit die, eripiunt subito nubes,
cælumq; diemq; :

dumq; ardenter futurorum zelus, solicitæ spei distendit filum;
vitæ stamina rumpit, invida humanis conatibus Proserpina.

Superba Triumphatorum Majestas,

Triumphales inter ignes quidem locem querit;
sed non hoc nitore ferales eludit pyras.

Excelsis illi Mausoleis dum inferuntur,

tot quidem inter tædas medijs, tenebras fugant;
sed funebrem Mortis Umbram non effugiunt.

Mundani splendoris, an squalloris æstimatio,
vbi summum invenerit;

cum nec sistere, nec regredi valeat, interitum querit.

In ipso ingentis spei, & honoris meridie,

in æternam clauduntur lumina noctem,

postquam ultima letho damnaverit hora,
veneritq; summa dies, & ineluctabile fatum:

tantò acriori ictu,

quanto longioris pœnas fulgoris, exigit à miseris.

Funesta metamorphosi,

Splendor in fumum, Purpuræ in syrmata, palmæ in cupressos,
currus triumphales in vrnam dæsinunt:

eò solum splendida;

quod majori dum cadunt rudere, famosius relinquunt bustum.

Vitæ humanæ Lux,

quantum mortalibus distet ab umbris,

Mors sola fatetur:

quæ omnia sub leges vorat atra suas.

Vindicat Te tamen, ab hac tenebrarum sorte,

Nullo delebilis ævo, ac in cinere vivax,

Rectefactorum Splendor.

A.D. 303. a.d. 363.7

Nobi-

GENEROSE OLIM, ac SPECTABILIS DOMINE,
D. IOANNES GAVDENTI
Z A C H E R L A,
Consul Cracoviensis, S. R. M. Secretarie,

Alternas, inter umbras lucemq; nescis vices:

qui cum Tui memores alios merendo feceris,
obscura oblivionis nubila, nobilibus illustrando gestis,
communem mortalium noctem, in splendores vertis.

Alijs quidem inter lucernarum agmina, lychnorumq; fumum,
ultimus in funere fulgor est;
ut ministro Vulcano condantur:
qui sub tenebris latitantes cælo teste non vixerunt.

Te vti Divinior mentis honestæ illustraverat fax;
& excellior factorum amplitudo, à privati laris exemit caligine;
ita aridos effugiens una rogos Magni nominis gloria vindex,
Æternitati sine fugo inferet.

Inocciduum perennaturi Tui nominis Lumen,
Ipsa non fatuis rumorū ignibus, aut modicū fulgeribus evanidæ ostētationis depicta meteora,
sed perpetuo per ceras maiorum deducto fulgore radiantia,
portenderunt sidera.

nisi pulchrius duceres, præagiū non tam accipere, quam implere.
Quis ambiget cum splendoribus natum, qui ex avitorū viscere siderū prodieras
his tamē splendere solis, parum autuniabas; nisi intaminatis Virtutū Tuarum
præniteres fulgoribus.

Et genus, Et famam Et quæ non feceras ipse, vix Tua gesta putans.

Avito Tuo Monoceroti,

non ad Hircaneos recessus damnati saltus,
sed Laurentes campi primæva præbuerunt pascua;
omnia factorum consiliorumq; momenta, in laurus cessura ominantes.
Grandem immortalitatī pergere viam, per Poloni Orbis latifundia egressus,
quid aliud celsitudine animi Tui, quam splendores dedit
inocciduos meritorum.

Fixa tua noluisti sidera esse;
ut magnorum exemplo luminarium,
ope, consilio, pronus & beneficus in omnes,
omnium utilitati promptius inservires:
quorum ab Hesperio Cælo egressio, Sarmatico sublimata Polo,

Turrium Ternioni cesserat in coronam.
Hinc Aquilæ Polonæ Cor, Sceptrorum Custos, Regiarum gratiarū
Compendium,

inviolatâ pro Deo, Rege, Regnoq; fide, Turris fortissima,
ex qua mille *Clypei* pendent armatura fortium,

Orbis Sarmatici aux Cracovia,

ut celsius assurgeret, Tuum excellum animum,
summis Cælo tenuis extulerat honoribus;

ut ad Hyperborei Orbis axem, Nobilitatis accenderent meridiem,

Gentilitia Tua astra serenavit:

Consularibus exornando Curulibus,
ranti regiminis tanquam Cælestè pondus imposuit,

ex humero Te Atlantem cognoscens.

Dignus hic Cornigero Tuo campus bene merendi contigerat;

in quo præeuntibus cunctorum votis, comitante plausu,

palmare decus ubiq; acquireres, vel faceres;

quidquid de dumetis negotiorum attigiles.

Indignari Magnis Viris fortuna audet,
cùm ijs ardua obijcit.

Honorum quippe fastigia, ut montium vertices,

Cælum quidem & Iovem, sed non sine tonitru tangunt.

Pectoris infraesti Virum, ut faceret rigida Virtus,

per prærupta abiit;

sideribus tuis non dissonâ sorte:

quorum in summo melius dignoscitur splendor.

Audijt Orbis, Vedit Vrbis facies, lensus cunctorum vtilitas,

molem sollicitudinis, sapientiæ responsa, vitæ exemplaria.

In sapientissimo Senatorum Metropolis istius Areopago, quidquid protuleras:

Cyrrhei secreta movente Deo, certius fuit.

Publicis privatisq; consilijs Cōsus, justitiâ Aristides, æquitate Phociō,

quidquid præceperas, exemplo probasti.

Expeditum in curas pectus, concepta simul & absoluta probarunt negotia,

arduis perficiendis, mente tam idoneâ;

ceu consilia rem expectarent, vt ex ea nascerentur.

Septies repetitas Vrbis Aufoniæ Orbisque secures,

Marium sibi gratulatum fuisse non invidemus:

Certiores, Proconsularem dignitatem plus sibi plaudisse,

quod

quod pectus invenerit Tuum, in quo magnificentiā suā explicaret,
ac semper suas quadrigas revocante Phæbo, renovaret,
omnium quidem uti plausu, ita stupore,
sed tuorum siderum regulari motu.

In ævi Tui gloriam, subsequentis, exemplum datus,
Patris Consulisque miscebas officia.
Operum tuorum celsitudinē nec extolere volueras, nec monstrare opus erat,
quæ superant encōmia, & sub cunctorum obtutu cum sint, vincunt silentia.
Memphitici laboris paratu, Rhodijs Colossis, septizoniorum pinaculis,
gloriosius Tibi immortale Polo inserit nomen,
distingvendis inconstantis temporis procellis, sursum subducta

Cracia Pharos:

quæ dum horas resonat, nullam horam,
sine tui recordatione patitur præterire.
Grave visum est, temporis decursus leviūs pendis;
cui omne punctum in pondere fuit.
Inter mortifera acerbæ luis contagia, vix spirans Vrbis;
spiritum quem retinuit, Tibi debet.
Vel hoc ipso, inocciduum Tibi vendicasti gloriæ lumen:
qui in ipso pene occasu, ejus splendorem servaveris.
Ut cunq; illa, lethales hos levabat æstus;
cum fæcundior largitatis Aganippe, uberioris Monocerotis Tui,
quam Pegasi incessum sequeretur:
Sideraque repararent tua, quidquid corruptus everterat aér.
Ardentior pro hoc Latio Romulus,
Asylum erexisti;
quo tutius pateret refugium, quos dura hæc supplicia infestarent.
Fœcundus pauperum ager,
copiosam fermentem, infinitâ nunc votorum rependit messe.

Felicia illa auri damna; que sic intereunt,
ut Deum relinquant debitorem.
Eminet tantæ Vitutis tuæ Monumentum,
ceu sublime Statori Deo, formam servi accipienti erectū Capitoliū,

Orphanotrophium de Saxia:

in quod promerita, ad calculos revocare nolo,
nam cum vestigales æternitati feceris annos,
diem præterisse dolens; quā non benefaciēdi calculo designasses.
Divitiorem Amaltheæ Cornu, in Unicorni Tuo dedisti affluentia.

Sidera tua, pabula nammis, ab inferioribus non sorbendo,
charitatis ardorem, splendorem consilij, & tot occultas muniscentias
influentias, etiam non poscentibus offerebant:
extra fortunam ponendo, quid quid in communem detulerant utilitatem.

Hinc cætera Mansuetus:

hoc unum violentiae explicuisti genus,
quo omnium devincens amores, pectora mancipes;
libertatem vendentibus, qui acceperant beneficium.

Fabricios Cyriosc;

revocatos, aut superatos in Te non miramur:
qui, ut siderum tuorum puriorum explicares splendorem,
densiorem evitabas halitum;
ut è procellis mundi, in Continentem citius traijceres,
in vita continentissimus permansi.

Multis quidem numerosa de alijs trophæa surgunt,

Tu domitor Tuipsius gloriosus erexisti:

Certus,

illam ceteris antestare lauream,
quam vicitor animus perceperit ex seipso.

Altius iam virtutum arcana timari nolo,
quibus non ostentatrix modestia, Timantis Venum prætendit.
Elogiorum Tuorum summus Apex, sed non terminus est,

Genitrix Genitoris sui MARIA:

Cui cum sol in trabeam, Luna in scabellum,

Tua quoq; sidera in Coronam cedunt;
per tot votiva anathemata, dotationis insignia, & piorum laborum impendia.
Amplius splendorem tuum lucemq; non definies,
dum Te solis prænuntia Aurora Consurgens,
ab occasu vindicabit:

Quæ Tibi

Supremum vitæ crepusculum, in clarum beatioris Vitæ mane vertat:

Vt Craciæ Vrbis olim Columen, nunc splendor,
petenni immortalium meritorum luce,
cuncta clarius etiam post fata serenans,

In splendoribus Æviternæ Gloriæ refulgeas.



